

# 急救仙方卷之九

<p> 原痔者，贫富男女皆有之。富者，酒色财气；贫者，担轻负重，饥露早行。皆心肝二血，喜则伤心，怒则伤肝，喜怒无常，风血侵於大肠，到谷道无出路，结积成块，出血生乳，各有形相。妇人因经后伤冷，月事伤风，余血在心经，血乃流入於大肠。小儿因利后，或母腹中受热也。治方于后。 水澄膏护肉。 右二味为细末，候内痔登厕翻出在外，用温汤洗净，不须坐入，即侧外床沿上，用新水和蜜，调令稀稠，用篋挑药，轻手涂谷道四边好肉上，只留痔头在外，用薄纸圆转盖药上，仍用笔蘸温水涂纸上。纸以护水澄膏，不令四散耳。才觉药乾，又用温水润之，后用枯药：好白矾四两生信石二钱半朱砂一钱，生研，十分细为妙 右各研为细末，先用砒在建盏中，次用白矾末盖之，用火煨令姻断，其砒尽随姻去，止借砒气於矾中耳。用矾为细末，十分细可也。看痔头大小，用矾末在掌上，入生朱砂少许，以唾调稀，用篋头涂痔上周遍。一日三上，须子细看痔头颜色焦黑为妙。至夜有黄水出，切勿他疑，水尽为妙，至中夜上药一遍，来日依然上药三次，有小痛不妨。换药时以碗盛新水或温汤，在痔边用笔一管轻洗刷痔上，去旧药，上新药，仍用护药。此药只是借砒信，又有朱砂少解砒毒。次用荆芥汤洗之，三两日之后，黄水出将尽，却於药中增朱砂减白矾，则药边缓矣。三两日方可增减，渐渐取之，庶不惊人。全在用药人看痔头转色，增减厚薄傅药，方是治法。 右用刻芥锉，水三碗煎，常常煎下。如洗痔了，依然倾入瓶内，火煨之，可用三五次。 大黄湿纸包煨，锉枳壳去襁当归蜜炼 右三味等分，为末蜜丸。每服二十丸或三十丸，汤下，量脏腑虚实多寡服之。绿为已用枯药后，痔头将欲焦枯，粪门迫急，恐大便坚难下，所以预服此，令脏腑稀滑耳。 龙骨煨，去火毒香白芷好黄丹软石膏煨，去火毒 右等分，为极细末，候痔头落尽，以此药掺，收敛疮口。预先备好血碣末，止血或敛疮口，仓卒要用耳。 生地黄二两黄芩三两 右锉，每服三钱，水一盞，煎六七分，温服。用药之后，小便恐赤涩，即服之，加滑石、甘草、灯心。 黄连郁金 右二味等分，为

末极细，用蜜水调傅痔头上。虚人已用枯药，上忽有些疼痛用此。其止一方，只用脑子末傅亦可。内补散，此药调理气血，排脓生肌，候痔疮将欲收敛，即服此。所谓肠头直候，疮口安好，血气中和，自然收入。人参黄耆当归各二两桔梗芎藭厚朴官桂防风白芷甘草各一两右十味各等分，为细末，木香汤温酒亦可，日二三服。甘草煎汤，常常要煎，下熏洗痔疮。盖甘草自是痔药，又解砒毒，若疮收敛，其痒异常，尤要此药浇洗，温热随意。催痔，治痔虽硬只是不脱，用此药催自落。右为细末，以井水调稀，以笔点痔上，良久立脱。凡医痔，用枯痔药，后急大小便间好肉疼如针刺，及痛上肾根，令人将衣物火上烘之令热，熨痛处三五次，其痛立止。水澄膏，盖虑痔根毒水流污好肉生疮，故用药涂油单纸，护内周遍，下不用连纸，贴定可也。真磁石另研白姜各一钱，另别研白矾半钱，枯过草乌尖三个，生用右为末，却以葱涎调傅肠头上，其乳出，用枯药。又方，磁石煨，醋淬九次，研，水飞白矾枯大草乌川山甲朋砂右末如前，出用洗药。此疾酒、色、气、风、食五事过度痔证分三八，凭君子细看，莫教年日久，见者胆心寒，菱角看形怪，莲花不可观，穿肠并鼠奶，酒色两相干，莫愿#1翻花怨，蜂巢亦不宽，雌雄同气血，子母及肠盘，玄珠由可怪，勾肠痛若钻，核桃与流涎，见者便心酸，□#2子於中大，鸡心在外安，珊瑚形可恶，那更脱肛难，内痔红不出，搭肠裹内盘，垂珠更难治，日久有鸡冠，切莫轻刀火，令君性命残，用工无半了，去病更除根。用唤药用此。红肉膏治痔。辰砂黄丹各一钱乳香半钱，别研白矾一两砒半两，用白矾铺底，火缎七分巴豆三个右为末，每用二钱，斑猫三个，香油一两，同一处煎斑猫、巴豆赤为度，去二味，只用油调药末成膏子，看大小贴之，一二日一次换药，至六七日看焦黑不用涂，用摧药。未破已破，用纸捻子任药入疮为妙。金花散洗痔。无名异半钱黄蘗#3一两黄连半两，生乌黑豆半升右为末，温洗了，用海蛤散傅。芫荇一两龙骨海蛤各一钱，缎蜜陀僧半钱右为末先掺，次用贴痔膏，日一次贴。乳香膏贴痔。右用香油四两，入柳枝三尺四寸长，同煎柳枝黑为度，入前药末同煎紫色，用绢沪去滓，再煎数沸，次入黄丹、乳香一二钱，熬成

膏。以瓦瓶盛藏，用少许贴疮上立效。凡下痔，先服通血积药，一日二次，方用唤#4痔药。当归饮，通血积。右为末，用一钱嚼，温酒下。又将通真丸一粒，临外再服。良姜炮柯#5子炮肉桂去皮木香肉豆蔻破故纸茴香葫芦巴末硃各一钱 右研匀，醋糊丸，如梧桐子大。用一钱重，木瓜、生姜、药一处，湿纸裹煨香熟，温酒下。下高#6散不思饮食。苦参一两蓬莪木炮益智去皮荆芥穗炒，各一两 右为末，每服一钱，水一盞，姜、蜜同煎八分，入盐，虚心服。骨碎补川山甲蛤粉炒，各二两甘草根玄胡索生用，半两 右为细末，茶调半钱，空心服。滑石三钱鳖甲半钱川乌去皮尖，一两秦艽半钱前胡半两 右为末，每二钱，小麦三十五粒，同煎至七分，通口服，不拘时，三四服见效。京墨一两黄牛角一只蛇蛻一条，全槟榔三个川山甲蔓荆子黑狗脊去毛根壳去皮白，各一两黄 右为末，以瓜蒌五个去子，入药在内，用新瓦瓶盛之，后用黄泥固济，火煨烟尽，末，入没药、青木香各一钱。右为末，同煎药一处，服二钱，胡桃酒下，日三服，茶亦可。巴豆去油大黄炮朴硝棋壳陈皮去穢#8 右各等分，每服二钱，水一盞，煎至七分，温服。如服药后大便结涩，二三日可服。人参一钱斑猫炒，去壳足羽鹤虱大黄牡砺煨枳壳各等分华澄茄半两丁香少许 右为末，糯米糊为丸，如梧桐子大，每服五丸，煎沙糖汤下。此药恐不可用。海金砂乳香白芨雄黄各等分 右为末，入疮口，次以乳香膏贴之。食茱萸车前子雄黄乳香赤石脂龙骨各一钱，生用 右为末，掺疮口，以乳香膏压之，一日二次。如疮口乾，只用乳香膏贴。有清水出，用后药注青膏。五倍子三个，生玄胡索白矾各一钱 右为末，服少许。如清水出，以纸贴膏药，入疮口内。郁金甘草炙白姜炮槐花炒，各一#9两 右为末，每服二钱，空心陈米饮下。五倍子生川山甲各一两，炒存性 右为末，泻血水者，服二钱，空心陈米饮下。解肠散，治藏毒泻血。 右为末，每服二钱，麝香酒调服。凡内痔用葱涎膏，次用洗肠当归丸，次用取血当归散，次用取血黄连丸，次日上红肉膏。凡服药忌堵血毒食，及去风不可摩动药。有恶水出，污好肉生疮，以和风膏。妨出入，以药涂绵子，掩痔上，绵托帛缚，日二次上，重十日轻八日。若有痔日连肠，若

恶滞腰间疼者，用肉桂膏贴腰。烦痛，以通心散逐日服，次下丁鬲散、煨姜丸、枳壳散，落洗用海蛤散，附之乳香膏，贴退痔匀肠散，收肠贴顶散。治痔久不差变漏，不戒酒色，服药耳，治则先用纸捻，子细看大小浅深，即服通真丸、黄耆散，以纸捻贴红肉膏入疮，一日五六次，用乳香膏入作捻子贴疮口，日一次，三五次进药入疮内。凡取烂肉，有血水出，方不进药。须用收脓膏三日，后用药洗三日，用龙骨海蛤散掺以车前散掺口内，一日两次，服药至三服，至取深效，后有水出即效也。

信役药乳香各半钱白矾朴硝绿矾各一两麝少许 右用铁铜锅，先以信在锅底，以白矾覆之，又以绿矾覆之，又以硝覆之，候#11成水，投乳香末搅匀，候乾如石方出，地上出火毒一宿。末，方入麝同研，加片脑少许，用唾调涂，附疮口上四边，一日三次，其痔自然焦落。又枳壳水浸去穰，每二片，去皮，用巴豆一粒在内，线缚，入银石器内，米醋高一指煮乾，去豆，焙为末，醋糊丸。每服十五丸，空心茶清下，或随津下亦可。肠风下血，平胃散加续断煎服。又方加小麦四十九粒，去续断。治痔上疮，腊、莲蓬等分，锅内慢火微烟熏之。治汤风下血，五倍子末，服二钱，麝香酒下。白矾四两绿矾一分信半两朴硝半两右矾、硝作一处，以少半许入建盏内，以信成块入中，以余药涂上，以炭大约二斤许，烧四围下，候沸，将乾却覆细末，用砂合收。此药经年火熟，则效，而不疼，赤色则不可用。如傅外痔，可以白矾减半；如速效，可将津液调傅；不疼，甘草汤调傅。此药久留不损，且能不疼。次用茅根扬热洗，然后附药，日夜三五易。凡疼发，必大肠秘结，服宽肠丸并通大便，不可烧烟熏入肠，反为害。暑月加百草霜，黄丹调附。如痔落了，肿痛，用槐皮煎汤洗，用津洗，瓦上磨枳壳附。如不收，木贼朴硝煎汤附，各以一次二次即效。未落已前，黄皮薄荷煎汤，唾调附，夏月用此尤佳。洗药初用此洗。木通黄芩黄柏黑豆 右热煎，即洗三次。

#1愿：四库本和『谓』。 #2□：四库本作『栗』。 #3下方藁：疑当作『槩』。同。 #4唤：四库本作『换』。 #5柯：四库本作『诃』。 #6高：四库本作『膈』。 #7白茺萸：四库本连上读，不另起。 #8穉：原作『瀼』据文义改。 #9一：四库本作『二』。 #10蕤生各分

：四库本作『蕤仁一分』。 #11候：此上四库本有『以火炙之』四字。



[下载本文pdf文件](/pdf/1692-急救仙方卷之九.pdf)